

卷十二

書名 重選唐音大成十四卷附錄一
 卷 嘉靖五年刊本
 撰者 明 邵天和 輯
 卷 卷十二
 內容分類 集-總集-各代-唐
 索書號 集部-總集-51
 編號 D7841400

[彩色首頁1](#)

[東洋文化研究所漢籍目錄 編號: D7841400](#)

[東洋文化研究所漢籍目錄所藏漢籍善本文影像資料庫 索書號: 集部-總集-51](#)

[漢籍善本文影像資料庫文本重選唐音大成十四卷附錄一卷 嘉靖五年刊本](#)

[版權所有: 東京大學 東洋文化研究所](#)

[使用上的注意事項](#)

重選唐音大成卷之一

宜興邵天和節夫編校

始音

從軍行

楊炯

火照西京心中自不平
 牙璋辭鳳闕鐵騎繞龍城
 暗凋旗畫風多雜
 鼓聲寧為百夫長
 勝作一書生

劉生

本六郡年長入三秦
 白壁酌知已黃金謝主人
 生赤電馬足起紅塵
 日莫歌鍾發喧動四隣

紫騮馬

東方文化學院東京研究所
2046
No. C

東方文化學院
圖書部

0 1 2 3 4 5 6 7 8 9 20 1 2 3 4 5 6 7 8 9 3





續選唐音大成卷之十二

宜興邵天和節夫編校

補音四

七言律詩

題雍丘崔明府丹竈

李太白

美人為政本忘機
服藥求仙事不違
葉縣已泥丹竈
畢瀛洲當伴赤松歸
先師有訣神將助
大聖無心火自飛
九轉但能生羽翼
雙鳧忽去定何依

題東谿公幽居

杜陵賢人清且廉
東谿卜築歲將淹
宅近青山同謝

眺門垂碧柳似陶潛好鳥迎春歌後院飛花送酒舞
前簷客到但知留一醉盤中祇有水晶鹽

登金陵鳳凰臺

鳳凰臺上鳳凰遊鳳去臺空江自流吳宮花草埋幽
徑晉代衣冠成古丘三山半落青天外二水中分白
鷺洲總為浮雲能蔽日長安不見使人愁

寄崔侍御

宛溪霜夜聽猿愁去國長如不繫舟獨憐一鴈飛南
海却羨雙溪解北流高人屢解陳蕃榻過客難登謝
朶樓此處別離同落葉朝朝分散敬亭秋

別中都明府兄

吾兄詩酒繼陶君試宰中都天下聞東樓喜奉連枝
會南陌愁為落葉分城隅綠水明秋日海上青山隔
暮雲取醉不辭留夜月鴈行中斷惜離

送賀監歸四明應制

夕辭榮祿遂初衣曾向長生說息機具訣自從茅氏
得恩波應阻洞庭歸瑤臺含霧星辰滿仙嶠浮空島
嶼微借問欲栖珠樹鶴何年向却帝城飛

題張氏隱居

杜子美

春山無伴獨相求伐木丁丁山更幽澗道餘寒歷水

雪石門斜日到林立不貪夜識金銀氣遠害朝看麋
鹿遊乘興杳然迷出處對君疑是泛虛舟

贈田九判官梁丘

崆峒使節上青霄河隴降王欵聖朝宛馬總肥春首
宿將軍只數漢嫖姚陳留阮瑀誰爭長京兆田郎早
見招麾下賴君才並入獨能無意向漁樵

贈獻納起居田舍人澄

獻納司存雨露邊地分清切任才賢舍人退食收封
事宮女開函近御筵曉漏追趨青瑣闥晴牕點檢白
雲篇楊雄更有河東賦唯待吹噓送上天

奉和賈至舍人早朝大明宮

五夜漏聲催曉箭九重春色醉仙桃旌旗日暖龍蛇
動宮殿風微燕雀高朝罷香烟携滿袖詩成珠玉在
揮毫欲知世掌絲綸美池上于今有鳳毛

紫宸殿退朝口號

戶外昭容紫袖垂雙瞻御座引朝儀香飄合殿春風
轉花覆十官淑景移晝漏稀聞高閣報天顏有喜近
臣知宮中每出歸東省會送夔龍雉鳳池

曲江陪鄭八丈南史飲

雀啄江頭黃柳花鷓鴣鷓滿晴沙自知白髮非春

事且盡芳尊戀物華近侍只今難浪跡此身那得更
無家丈人文力猶強健豈傍青門學種瓜

曲江

一片花飛減却春風飄萬點正愁人且看欲盡花經
眼莫厭傷多酒入唇江上小堂巢翡翠苑邊高塚卧
麒麟細推物理湏行樂何用浮名絆此身

曲江對月

苑外江頭坐不歸水晶宮殿轉霏微桃花細逐楊花
落黃鳥時兼白鳥飛縱酒夕拚人共棄懶朝真與世
相違吏情更覺滄洲遠老大悲傷未拂衣

曲江對雨

城上春雲覆苑牆江亭晚色靜年芳林花着雨胭脂
落水苒牽風翠帶長龍武新軍深駐輦芙蓉別殿謾
焚香何時詔此金錢會暫醉佳人錦瑟傍

九日藍田崔氏莊

老去悲秋強自寬興來今日盡君歡羞將短髮還
吹帽笑倩傍人為正冠藍水遠從千澗落玉山高並兩
峰寒明年此會知誰健醉把茱萸仔細看

至日遣興奉寄北省舊閣老兩院故人一首

憶昨逍遙供奉班去年今日侍龍顏麒麟不動爐煙

上孔雀徐開扇影還玉几由來天北極朱衣只在殿
中間孤城此日堪腸斷愁對寒雲雪滿山

恨別

洛城一別四千里胡騎長驅五六年草木變衰行劍
外兵戈阻絕老江邊思家步月青霄立憶弟看雲白
日眠聞道河陽近乘勝司徒急為破幽燕

堂成

背郭堂成蔭白茆緣江路熟俯青郊楹林礙日吟風
葉籠竹和煙滴露稍暫止飛鳥將數子頻來語燕定
新巢傍人錯比揚雄宅懶惰無心作解嘲



賓至

幽棲地僻經過少老病人扶再拜難豈有文章驚海
內謾勞車馬駐江干竟日淹留佳客坐百年粗糲腐
儒餐不嫌野外無供給乘興還來看藥闌

蜀相

丞相祠堂何處尋錦官城外柏森森映階碧草自春
色隔葉黃鸝空好音三顧頻繁天下計兩朝開濟老
臣心出師未捷身先死長使英雄淚滿襟

狂夫

萬里橋西一草堂百花潭水即滄浪風含翠篠娟娟

淨雨裛紅蕖冉冉香厚祿故人書斷絕恒饑稚子色
淒涼欲填溝壑惟竦放自笑狂夫老更狂

江邨

清江一曲抱邨流長夏江邨事事幽自去自來堂上
燕相親相近水中鷗老妻畫紙為棋局稚子敲針作
釣鈎多病所須惟藥物微軀此外更何求

野老

野老籬前江岸廻柴門不正逐江開漁人網集澄潭
下賈客船隨返照來長路關心悲劍閣片雲何意傍
琴臺王師未報收東郡城闕秋生畫角哀

南鄰

錦里先生烏角巾園收芋栗未全貧慣看賓客小兒童
喜得食皆除鳥雀馴秋水纔深四五尺野航恰受兩
三人白沙翠竹江邨莫相送柴門月色新

客至

舍南舍北皆春水但見群鷗日日來花徑不曾緣客
掃蓬門今始為君開盤飧市遠無兼味尊酒家貧只
舊醅肯與鄰翁相對飲隔籬呼取盞餘杯

送韓十四江東省覲

兵戈不見老萊衣嘆息人間萬事非我已無家尋弟

妹君今何處訪庭闈黃牛峽靜灘聲轉白馬江寒樹影稀此別應須各努力故鄉猶恐未同歸

王十七侍御掄許携酒至草堂奉寄此詩便請邀高三十五使君同到

老夫卧穩朝慵起白屋寒多暖始開江鶴巧當幽徑浴鄰鷄還過短牆來繡衣屢許携家醞皂盖能忘七野梅戲假霜威促山簡須成一醉習池廻

望野

西山白雪三城戍南浦清江萬里橋海内風塵諸弟隔天涯涕淚一身遙唯將遲莫供多病未有涓埃答

聖朝跨馬出郊時極目不堪人事日蕭條

嚴中丞枉駕過

元戎小隊出郊坰問柳尋花到野亭川合東西瞻使節地分南北任流萍扁舟不獨如張翰卓帽應兼似管寧寂寞江天雲霧裏何人道有少微星

奉酬嚴公寄題野亭之作

拾遺曾奏數行書瀨性從來水竹居奉引濫騎沙苑馬幽棲真釣錦江魚謝安不倦登臨費阮籍焉知禮法踈枉沐旌麾出城府草萊無徑欲教鋤

嚴公仲夏枉駕草堂兼携酒饌得寒字

竹裏行厨洗玉盤花邊立馬簇金鞍
柝關使者徵求急自識將軍禮數寬
百年地僻柴門迥五月江深草閣寒
看弄漁舟移白日老農何有罄交歡

秋盡

秋盡東行且未迴
茱萸齊寄在少城隈
籬邊老却陶潛菊
江上徒逢袁紹杯
雪嶺獨看西日落
劍門猶阻北人來
不辭萬里長為客
懷抱何時得好開

涪城縣香積寺官閣

寺下春江深不流
山腰官閣迥添愁
含風翠壁孤雲細
背日丹楓萬木稠
小院迴廊春寂寂
浴鳥飛鷺晚

悠悠諸天合在藤蘿外
昏黑應須到上頭

送路六侍御入朝

童稚情親四十年
中間消息兩茫然
更為後會知何地
忽漫相逢是別筵
不分桃花紅勝錦
生憎柳絮白如綿
劍南春色還無賴
觸忤愁人到酒邊

滕王亭子

君王臺榭枕巴山
萬丈丹梯尚可攀
春日鶯啼脩竹裏
仙家犬吠白雲間
清江碧石傷心麗
嫩藥濃花滿目斑
人到于今歌出牧
來遊此地不知還

奉寄章十侍御

淮海維揚一俊人金章紫綬照青春
指揮能事回天地訓練強兵動鬼神
湘西不得歸關羽河內猶宜借寇恂
朝覲從容問幽側勿云江漢有垂綸

將赴荆南寄別李劍州弟

使君高義驅今古寥落三年坐劍州
但見文翁能化俗馬知李廣未封侯
路經灩澦雙蓬鬢天入滄浪一釣舟
戎馬相逢更何日春風回首仲宣樓

將赴成都草堂塗中有作先寄嚴鄭公五首
得歸那屋赴成都真為文翁再剖符
但使閭閻還揖讓敢論松菊久荒蕪
魚知丙穴由來美酒憶郫筒不

用沾五馬舊曾諳小徑幾回書札待潛夫

處處清江帶白蘋故園猶得見殘春
雪山斥候無兵馬錦里逢迎有主人
休怪兒童延俗客不教鶩鴨惱比鄰
習池未覺風流盡况復荊州賞更新
常苦沙崩損藥闌也從江檻落風湍
新松恨不高千尺惡竹應須斬萬竿
生理抵憑黃閣老衰顏欲付紫金丹
三年奔走空皮骨信有人間行路難

登樓

花近高樓傷客心萬方多難此登臨
錦江春色來天地玉壘浮雲變古今
北極朝廷終不改西山寇盜莫

相侵可憐後主還祠廟日莫聊為梁父吟

宿府

清秋幕府井梧寒獨宿江城蠟炬殘
永夜角聲悲白語中天月色好誰看
風塵荏苒音書絕關塞蕭條行路難
已忍伶俜十年事強移棲息一技安

院中晚晴懷西郭茆舍

幕府秋風日夜清澹雲疎雨過高城
葉心朱實堪時落堦面青苔先自生
復有樓臺銜暮景不勞鐘鼓報新晴
浣澗谿裏花饒笑肯信吾兼吏隱名

奉寄高常侍

汶上相逢年頗多飛騰無那故人何
總戎楚蜀應全未方駕曹劉不啻過
今日朝廷須汲黯中原將師憶廉頗
天涯春色催遲莫別淚遙添錦水波

諸將五首

漢朝陵墓對南山胡虜千秋尚入關
昨日玉魚蒙葬地早時金盃出人間
見愁汗馬西戎逼曾聞朱旗北斗閑
多少村官守涇渭將軍且莫破愁顏

韓公本意築三城擬絕天驕拔漢旌
豈謂盡煩回紇馬翻然遠救朔方兵
胡來不覺潼關隘龍起猶聞晉水清
獨使至尊憂社稷諸君何以答昇平

洛陽宮殿化為烽休道秦關百二重滄海未全歸禹
貢薊門何處覓堯封朝廷衮職誰爭補天下軍儲不
自供稍喜臨邊王相國肯銷金甲事春農
回首扶桑銅柱標冥冥氛祲未全銷越裳翡翠無消
息南海明珠久寂寥殊錫曾為大司馬總戎皆挿侍
中貂炎風朔雪天王地只在忠良翊聖朝
錦江春色逐人來巫峽清秋萬壑哀正憶往時嚴僕
射共迎中使望鄉臺主恩前後三持節軍令分明數
舉杯西蜀地形天下險安危須仗出群才

峽中覽物

曾為掾吏趨三輔憶在潼關詩興多巫峽忽如瞻華
嶽蜀江猶似見黃河舟中得病移衾枕洞口經春長
薜蘿形勝有餘風土惡幾時回首一高歌

黃草

黃草峽西船不歸赤甲山下行人稀秦中驛使無消
息蜀道兵戈有是非萬里秋風吹錦水誰家別淚洒
羅衣莫愁劍閣終堪據問道松州已被圍

白帝

白帝城中雲若屯白帝城下雨翻盆高江急峽雷霆
鬪古木長藤日月昏戎馬不如歸馬逸千家今有百

家存哀哀寡婦誅求盡慟哭秋原何處邨

吹笛

吹笛秋山風月清誰家巧作斷腸聲風飄律呂相和
切月傍關山幾處明胡騎中宵堪北走武陵一曲想
南征故園楊柳今搖落何得愁中却盡生

秋興八首

玉露凋傷楓樹林巫山巫峽氣蕭森江間波浪兼天
湧塞上風雲接地陰叢菊兩開他日淚孤舟一繫故
園心寒衣處處催刀尺白帝城高急莫砧

夔府孤城落日斜每依北斗望京華聽猿實下三聲

淚奉使虛隨八月槎畫省香爐遠伏枕山樓粉堞隱
悲茄請看石上藤蘿月已映洲前蘆荻花

千家山郭靜朝暉日日江樓坐翠微信宿漁人還汎
汎清秋燕子故飛飛匡衡抗疏功名薄劉向傳經心
事違同學少年多不賤五陵衣馬自輕肥

聞道長安似奕棋百年世事不勝悲王侯第宅皆新
主文武衣冠異昔時直此關山金鼓振征西車馬羽
書馳魚龍寂寞秋江冷故國平居有所思

蓬萊宮闕對南山承露金莖霄漢間西望瑤池降玉
海東來紫氣滿函關雲移難尾開宮扇日繞龍鱗識

聖顏一卧滄江驚歲晚幾回青瑣點朝班

瞿塘峽口曲江頭萬里風塵接素秋花萼夾城通御
氣芙蓉小苑入邊愁珠簾繡柱圍黃鵠錦攬牙樯起
白鷗回首可憐歌舞地秦中自古帝王州

昆明池水漢時功武帝旌旗在眼中織女機絲虛夜
月石鯨鱗甲動秋風波漂菰米沉雲黑露冷蓮芳墜
粉紅關塞極天惟鳥道江湖滿地一漁翁

昆吾御宿自逶迤紫閣峰陰入漾陂香稻塚餘鸚鵡
粒碧梧棲老鳳凰枝佳人拾翠春相問仙侶同舟晚
更移采筆昔曾干氣象白頭吟望苦低垂

詠懷古跡五首

支離東北風塵際漂泊西南天地間三峽樓臺淹日
月五溪衣服共雲山羯胡事主終無賴詞客哀時且
未還庾信平生最蕭瑟暮年詩賦動江關

搖落深知宋玉悲風流儒雅亦吾師悵望千秋一洒
淚蕭條異代不同時江山故宅空文藻雲雨荒臺豈
夢思最是楚宮俱泯滅舟人指點到今疑

群山萬壑赴京門坐長明妃尚有邨一去紫臺連朔
漠獨留青塚向黃昏畫圖省識春風面環珮空歸月
夜魂千載琵琶作胡語分明怨恨曲中論

小全

天時人事日相催，冬至陽生春又來。
刺繡五紋添弱線，吹葭六管動飛灰。
岸容待臘將舒柳，山意衝寒欲放梅。
雲物不殊鄉國異，教兒且覆掌中杯。

奉送蜀州栢二別駕將中丞命赴江陵起居
衛尚書太夫人因示從行軍司馬位

中丞問俗畫熊頻，愛弟傳書采鷁新。
遷轉五州防禦使，起居八座太夫人。
楚宮臘送荆門水，白帝雲偷碧海春。
與報惠連詩不惜，知吾斑鬢總如銀。

閣夜

歲暮陰陽催短景，天涯霜雪霽寒宵。
五更鼓角聲悲壯，三峽星河影動搖。
野哭千家聞戰伐，夷歌幾處起漁樵。
卧龍躍馬終黃土，人事音書漫寂寥。

返照

楚王宮北正黃昏，白帝城西過雨痕。
返照入江翻石壁，歸雲擁樹失山邨。
衰年病肺唯高枕，絕塞愁時早閉門。
不可久留豺虎亂，南方實有未招魂。

季夏鄉弟韶陪黃門從叔朝謁

令弟尚為滄水使，名家莫作杜陵人。
比來相國兼安蜀，歸赴朝廷已入秦。
捨舟策馬論兵地，拖玉腰金報

唐詩卷之三
主身莫度清秋吟蟋蟀早聞黃閣畫麒麟

即事

天畔群山孤草亭江中風浪雨冥冥一雙白魚不受
釣三寸黃柑猶自青多病馬卿無日起窮途阮籍幾
時醒未聞細柳散金甲腸斷秦川流濁涇

九日

重陽獨酌盃中酒抱病起登江上臺竹葉於人既無
分菊花從此不須開殊方日落玄猿哭故國霜前白
雁來姊妹蕭條各何在干戈哀謝兩相催

登高

風急天高猿嘯哀渚清沙白鳥飛迴無邊落木蕭蕭
下不盡長江衮衮來萬里悲秋常作客百年多病獨
登臺艱難苦恨繁霜鬢潦倒新停濁酒杯

舍弟觀赴藍田取妻子到江陵喜寄二首

女迎妻子達荊州消息真傳解我憂鴻雁影來連峽
內鵲鴉飛急到沙頭峽關險路今虛遠禹鑿寒江正
穩流朱紱即當隨彩鷁青春不假報黃牛

公安送韋二少尹匡贊

逍遙公後世多賢送爾維舟惜別筵念我能書數字
至將詩不必萬人傳時危兵甲黃塵裏日短江湖白

髮前古往今來皆涕淚斷腸分手各風烟

小寒食舟中作

佳辰強飲食猶寒隱几蕭條戴鶻冠春水船如天上
坐老年花似霧中看娟娟戲蝶過閑慢片片輕鷗下
急湍西看百山青萬餘里愁看直北是長安

贈韋贇善

鄉里衣冠不乏賢杜陵韋曲未央前爾蒙最近冠三
象時論同歸尺五天北走關山開雨雪南遊花柳塞
雲煙洞庭春色悲公子蝦菜忘歸范蠡船

荅張十一功曹

韓退之

山淨江空水見沙哀猿啼處兩三家篔簹競長纖纖
筍躑躅閑開豔豔花未報恩波知死所莫令炎瘴送
生涯吟君詩罷看雙鬢斗覺霜毛一半加

奉酬振武胡十二丈大夫

傾朝共羨寵光頻半歲遷騰作虎臣戎旆暫停辭社
樹里門先下敬鄉人橫飛玉盞家山曉遠蹀金珂塞
草春自笑平王誇膽氣不離文字鬢毛新

奉和庫部盧四兄曹長元日朝迴

天仗宵嚴建羽旄春雲送色曉雞號金爐香動螭頭
暗玉佩聲來雉尾高戎服上趨承北極儒冠列侍映

東曹太平時節難身遇郎署何須歎二毛

廣宣上人頻見過

三百六旬長擾擾不衝風雨即塵埃
夕慙朝士無裨補空愧高僧數往來
學道窮年何所得吟詩竟日未能迴
天寒古寺遊人少紅葉牕前有幾堆

晉公破賊回重拜台司以詩示幕中賓客愈
奉和

南伐旋師大華東天書夜到冊元功
將軍舊壓三司貴相國新兼五等崇
鸞鷲欲歸仙仗裏熊羆還入禁營中
長慙典午非才職得就閑官即至公

左遷至藍關示姪孫湘

一封朝奏九重天夕貶潮州路八千
欲為聖明除弊事肯將衰朽惜殘年
雲橫秦嶺家何在雪擁藍關馬不前
知汝遠來應有意好收吾骨瘴江邊

次鄧州界

潮陽南去倍長沙戀闕那堪又憶家
心訝愁來惟貯火眼知別後自添花
商顏暮雪逢人少鄧鄙春泥見驛賒
早晚王師收海嶽普將雷雨發萌芽

韶州留別張端公使君

來往再逢梅柳新別離一醉綺羅春
夕欽江總文才

妙自歎虞翻骨相屯鳴笛急吹爭落日清歌緩送欵
行人已知奏課當徵拜那復淹留詠白蘋

酒中留上襄陽李相公

濁水汙泥清路塵還曾同制掌絲綸眼穿長訝雙魚
斷耳熱何辭數爵頻銀燭未銷燈送曙金釵半醉座
添春知公不久歸鈞軸應許閑官寄病身

賀張十八秘書得裴司空馬

司空遠寄養初成毛色桃花眼鏡明落日已曾交轡
語春風還擬並鞍行長令奴僕知飢渴須着賢良待
性情旦夕公歸身拜謝免勞騎去逐雙旌

和水部張負外宣政衙賜百官櫻桃詩

漢家舊種明光殿炎帝還書本草經豈似滿朝承雨
露共看傳賜出青真香隨翠籠擎初到色映銀盤薦
未停食罷自知無所報空然慙汗仰皇局

續選唐音大成卷之十二終

續選唐音大成卷之十三

宜興邵天和節夫編校

補音五

五言絕句

王昭君

李太白

昭君拂玉鞍上馬啼紅頰今日漢宮人明朝胡地妾

寄上吳王

坐嘯廬江靜閑聞進玉觴去時無一物東壁挂胡床

襄陽曲

襄陽行樂處歌舞白銅鞮江城回綠水花月使人迷